

Ecclesie Syracusanae, Rectorem tunc Patrimonii Romanae Ecclesie in Sicilia, eique Pallium ex more concesserit. Ex his Baronii verbis nonnulli recentiores deduxere, Constantinum, quum esset Diaconus & Rector patrimonii Ecclesie in Sicilia, consecratum esse à Conone Romano Pontifice Patriarcham Antiochenum in locum defuncti Theophanis. Huic errori ansam præbuit corruptus Anastasii textus: quem si legas, ut est à Fabroto ad tres Codices manuscriptos emendatus, patebit, ibi de Antiochia ejusque Patriarchatu nullam fieri mentionem. Textus igitur Anastasii correctus hic est. Hujus (Cononis) temporibus, pietas Imperialis relevavit per sacram iussione ducenta annona capita, quæ Patrimonii custodes Brutiis & Lucania annue persolvebant. Itemque & aliam iussione direxit, ut restituatur familia superscripti Patrimonii, & Sicilia, quæ in pignore à militia detinebatur. Hic (Conon) ultra consuetudinem, absque consensu Cleri, & immisione malorum hominum in Antipathia Ecclesiasticorum (antea corrupte legebatur in Antiochia) Constantinum diaconum Ecclesie Syracusanae, in Patrimonio Sicilia constituit, hominem perperam, & tergiversutum. Sed & pallio ad caballandum uti licentiam ei concessit. Et post non multum temporis seditio super eum orta est à civibus, ob Patrimonii lites: qui à iudice provincie sub arcta custodia retusus est, pro eo quod in dissensionem iudicum inveniretur directus fuisse. Quis non videt, in hoc Anastasii textu, de Constantini in Patriarcham Antiochenum inauguratione, ne verbum quidem fieri?

Certum itaque esse debet Theophani anno 685. defuncto, non alium successisse, nisi *Georgium*, illum nempe, qui in Sexta Synodo dicitur *Presbyter & Monachus Sebastenus, & Apocrypharius Theodori Presbyteri, & Vicarii Sedis Hierosolymitanae*, additurque, *qui postea Antiochia Patriarcha fuit*. Idem *Georgius* in Synodo Trullana, ita subscriptus legitur: Γεώργιος ἐλάχις ἐπίσκοπος Ἀντιοχείας ἐπίσκοπος ὑπέγραψα, *Georgius minimus Episcopus Antiochia, desiniens subscripti. Macarius An-*

IV.

Georgius Theophani defuncto successit. Notatur Catalogus Macarii Melchitarum Patriarchæ. Post Georgium vacavit Sedes Antiochea annos XL. idest ab anno Christi 702. ad 742.